


ԻՐԱՆԻ ԹՐԹԱՄՈՒԼ ՂԵԿԱՎԱՐՆԵՐԻ ՀԱԿԱԽԱՅ ԱՏԵԼՈՒԹԻՒՆԸ

Posted on August 10, 2016 by Keghart



Category: [Opinions](#)



Դուկտ. Ժիրայր Զոչարեան Բեռլին, Օգոստոս 2016

*Թուրքիան և Բաքուի ռեժիմը, անկախ իրենց քաղաքական հանգամանքից, իրականացնում են իրենց վաղեմի ծրագիրը՝ Փանթուրքիզմը, «Մեկ ազգ երկու պետություն»:
Այսուամենայնիվ ամենաալտանդաւորը ՀՀ և Լեւոնյին Արացախի Հանրապետութեան (ԼԱՀ) գոյութեան համար Իրանի Իսլամական (ԻԻՀ) Հանրապետութեան Ատրպատական նահանգի թրքալեզու զանգուածի յարածուն թրքականացումն է (20-ից 25 միլիւն և 30 միլիոն), որոշ թրքամուլ ղեկավարներ չարաշահելով իսլամը և հակառակ ԻԻՀ քաղաքական ցանկութեանը, հրահրում են այս գործնթացը և հակահայ ատելությունը:*

«Առան» առցանց տեղեկատուական գործակալութեան յարգելի խմբագիր,

Առդաբիլ քաղաքի հոգևոր պետի՝ «Այաթոլլահ Ամէլիի բացայայտումները Իրան-Ադրբեյջանի Հանրապետութեան յարաբերութիւնների առնչութեամբ», ճառի որոշ մասերի հրատարակությունը, Ձեր թերթի միջոցով ապացուցում է, թէ, երբ Բաքուի ռեժիմը և իր գործակալները մեղադրում են Իրանին, պարոն Ամէլին և [Մանսուր Հադիդաթ Փուրը](#) և իհարկէ Դուք նրանց կողքին, պատասխանում էք Բաքուի գործակալներին և դրա հետ միասին ամենագարշելի մեղադրանքները առանց ներկայացնելու որևէ փաստ, տեղում հայ ժողովրդի գլխին:

Քանի որ Դուք, առ այսօր հրաժարուել էք հրատարակել իմ պատասխանները այս պարոններին, չկատարելով Ձեր ժուռնալիստական բարոյական պարտականությունը, ես ճարահատուած թարգմանել և հրապարակել եմ հայերենով, գերմաներենով, անգլերենով... սակայն դեռ յոյս եմ փայփայում, գուցէ այս անգամ գիտակցեք Ձեր պատասխանատուութիւնը և հրատարակեք իմ պատասխանը:

Պատասխանի տեքստը ուղղուած հանրութեանը ուղարկում եմ Ձեզ: Իհարկէ ես ի վիճակի չեմ գնահատելու հոգևոր առաջնորդի կրօնական գիտելիքների մակարդակը, սակայն որպէս հայոց պատմութեան և Կովկասի հակամարտութիւնների ուսումնասիրող և մարդու իրաւունքների պաշտպան կարող եմ պատասխանել նրա անհիմն մեղադրանքներին և վիրաւորանքներին Հայաստանի և հայ ժողովրդի նկատմամբ:

Այսօր, ապրում ենք մի ժամանակաշրջանում, երբ յայտարարութիւնների համար պետք են ապացոյցներ: Ըստ երևոյթին պարոն Ամէլին ներքոյ հնչած հաւակնութիւնների համար, որևէ Փաստ ներկայացնելու կարիք չի գգում:

- Պատերազմի ժամանակ հայերի զինամթերքը մատակարարում էր Ռուսաստանը:
- Չինամթերքի ծախսերը հոգում էր ԱՄՆ-ն, նոյն երկրի հայկական լոբբի միջոցով:
- Մինչ այժմ Սպիտակ Տունը ՀՀ օժանդակել է 2 միլիարդ դոլլարով, ինչպէս նաև 200 միլիոն դոլլար էլ յանձնել է Լեւոնյին Արացախի Հանրապետութեանը:
- Միակ երկիրը, որ ցայժմ պաշտօնապէս ճանաչել է ԼԱՀ-ը ԱՄՆ-ն է, որը և մուտքի վիզա է

տրամադրում LԱՀ-ն քաղաքացիներին:

- Թուրքիան, պատերազմի ողջ ընթացքում, մատակարարում էր ՀՀ հացահատիկն ու սննդամթերքը:
- Թուրքիան մի քանի ուղղաթիռներ չտրամադրեց Բաքվի ռեժիմին, փրկելու խեղճ ժողովրդին:
- Սարքոզին, իր այս վերջին ուղևորության ընթացքում դեպի Արցախ, ճանաչեց հայոց ցեղասպանությունը:
- Բաքվի ռեժիմի բեկիկը հոսում է Հայաստան:

Հետաքրքիր է, փոխարեն Ձեր գործակալությունը այս կեղծիքների համար փաստեր պահանջի, հրատարակելով, փորձում է այն հասցնել հասարակությանը: Դուք որպես տեղեկատուական գործակալություն, շատ լավ գիտեք, որ ՀՀ զինտեխնիկան, նույն էր ինչ մնացել էր ՍՄ Ժամանակաշրջանից, սակայն Բաքվի ռեժիմը նավթից ստացած եկամուտների հաշվին, տարեց-տարի յաւելել է իր ռազմական բուռնացումը:

Առ ի տեղեկություն յայտնեմ, որ Կովկաս իրականություն-վերլուծական կայքէջը այդ երկրի զինուորական տարեկան բուռնացումը նշում է 1,2016 միլիարդ և 837 միլիոն մանաթ, որը համեմատած նախորդ տարուայ հետ աւելացել է 59 միլիոն մանաթով կամ 3,3 տոկոսով:

Կայքէջը շարունակում է՝ «Այդ Հանրապետության ռազմական բուռնացումը շարունակ աւելանում է, թեպետև նավթի գների անկման պատճառով Բաքուն կանգնած է տնտեսական խնդիրների առջև : Պատասխանը պիտի գտնել ոչ թէ ՀՀ-ն սպառնալիքների մեջ, այլ նրանում, որ Բաքվի վարչախումբը հաւակնություն ունի դառնալ ոչ միայն Կովկասի ամենահզոր պետությունը , այլ աշխարհի մակարդակով ռազմական ուժ: Իլիամ Ալիևի պետությունը, ըստ վիճակագրության, դարձել է աշխարհի մեծագույն զինտեխնիկայի գնորդներից մեկը: Չնչին մասը արտադրում է „ադրբեյջանի պաշտպանական զինտեխնոլոգիան“, կարևոր բաժինը գնում է Թուրքիայից, ԱՄՆ-ից, Իսրայելից, Ռուսաստանից, Փաքիստանից, Բելոռուսիայից և Ռուսաստանից»:

Այս փաստերի ներկայացումից յետոյ, որոնք բերուած են մի իրանական վերլուծական-լրատուական կենտրոնից, պարոն Ամելիի հաւակնությունները «ԱՄՆ-ից 2 միլիարդ օգնությունը ՀՀ-ը և 200 միլիոն դոլլարը LԱՀ-ը», ինչպայ նաև «ԱՄՆ-ի պաշտօնական ճանաչումը» և կամ «Սարքոզիի այցելությունը LԱՀ», ոչ միայն իրականությունն է, այլ զաւեշտական են հնչում: Ոչ մի խելքը գլխին մարդ չի կարող հաւատալ այս սուտերին:

Ոչ մի կասկած, որ պարոն Ամելին իրաւասու է Բաքվի պարագլուխներին քննադատել, սակայն նրանց լկտիությունը ապացուցելու համար, պէ՞տք է ստերի մի ամբողջ հիւսուացք: Թեպետև թուրքերի անպայման օժանդակությունը Բաքվի ռեժիմին և նրանց վաղեմի ատելությունը հայերի նկատմամբ, ոչ ոք չի կասկածում և նրանք բերում են ռազմական ամենամեծ նպաստը Բաքվին, սակայն պարոն Ամելին հաւակնում է յայտարարել՝ „Թուրքիան ողջ պատերազմի ընթացքում մի քանի ուղղաթիռ չտրամադրեց Բաքվին (թեպետև այս լուրը ինքնին նորություն է), փրկելու ադրբեյջանցիներին“, սակայն գործնականում ո՞ր օդային տարածքով էին ուղղաթիռները հասնելու Ադրբեյջան:

Պարոն Ամելին հակառակ իր յայտարարությանը «պատերազմի ընթացքում Թուրքիան

մատակարարում էր ՀՀ հացահատիկ-սննդամթերքը», քաջատեղեակ է, որ Թուրքիան 1993-ից միացել է Բաքուի կողմից ՀՀ տնտեսական շրջափակմանը: ՀՀ իր սննդա-ապրանքային փոխանակումը կատարում է Վրաստանի և Իրանի բաց սահմաններով:

Յաւելելք, որ Արցախը հինաւուրց հայանիստ և Հայաստանին պատկանող տարածք է, ապացուցելն աւելնորդ է : «Խամսայի մելիքութիւնները», (Արցախի հինգ մելիքութիւնները, Սաֆաւիների անկումից մինչև Ռուս-Իրանական պատերազմները), որը Արցախի և իր հայ իշխանութիւնների պատմութիւնն է 1522-1800թթ., վերջերս թարգմանել և հրատարակուել է Իրանում:

Արցախն ու Նախիջևանը միայն բուլճարիկների ցանկութեամբ բռնակցուեց «Ադրբեյջանական Սոցիալիստական Հանրապետութեանը», այդ թուականից ի վեր հայերը դիմել են շարունակ բողոքների և պահանջել վերադարձնել տարածքները: Թէ ինչու՞ Ս. Միութիւնը հակառակ տեղաբնիկների կամքին, այդ երկու տարածքները յանձնեց Հայաստանի «մրցակցին», երկար-բարակ պատմութիւն է , որի գլխաւոր պատճառը բուլճարիկեան «մրցակցութեան և երկպառակութեան» քաղաքականութիւնն է:

Մի ուրիշ ցայտուն օրինակ՝ Սամարղանդի և Բուխարա քաղաքների յանձնումը Ուզբեքստանին, թէպէտև այդ երկու քաղաքների գերակշռող բնակչութիւնը թաջիքներ են:

Հիմա, որ Արցախահայութեանը յաջողուել է , ատամով ու եղունգով փրկել իր Հայրենիքը Բաքուի փան-թուրքիստ վարչախմբից, ուրախութիւն է պատճառել աշխարհի արդարասեր մարդկանց, ի հարկէ ոչ ոք չի սպասում, որ պարոնայք Ամելին ու Հադիդաթ Փուռը նոյնպէս ուրախանան:

Սակայն այս պարոնայք և իհարկէ Ձեր լրատուական կենտրոնը, եթէ մտահոգուած լինէիք իրանի շահերով, պիտի ուրախանայիք, որ Լեռնային Արցախը էլ չի գտնուում Բաքուի հսկողութեան տակ, որը, լրտեսական նպատակով կտրամադուէր Իսրայէլի կառավարութեանը:

Սակայն մի կարևոր հանգամանք ևս, տառապած արցախահայութեան մեղքը ի՞նչ է , որ անկախութեան են ձգտում, կամ որ մուսլմաններ չէ՞ն, իրաւունք չունե՞ն իրենց խլուած իրաւունքները պահանջե՞լ:

Գեներալ մայոր Մանսուր Հադիդաթ Փուռը անցեալ, 9-րդ ընտրաշրջանում եղել է Առդաբիլ քաղաքի պատգամաւորը Իրանի Իսլամական խորհրդարանում: Պատերազմի ընտացքում, շուրջ երկու տարի վարժեցրել է Ադրբեյջանի բանակը, նա ԻԻՀ ազգային անտանգութեան յանձնախմբի փոխնախագահն է:

[Իրանի Ադրբեյջանցիների Բաց Նամակի Առթիւ](#)

